




L sauté

Image not found or type unknown

Idiom: Gherdëina



Dantann se n iel jìt,
 da ntlëuta ne n'ei plu nrescì.
 Ulà saral pa ruvà?
 Me tëme che l sibe tumà.
 La nëif se n ie sparida,
 l'ansciuda da giut unida.
 Ciofs nes ala purtà,
 mi fi n'ie mo nia ruvà.
 L'ansciuda m'ei pensà:
 "L ruva dessegur d'instà."
 L instà ie bele passà,
 mi fi n'ie mo nia ruvà.
 La nuetes se à slungia,
 autonn iel diventà,
 mi fi ne ai mo nia spià,
 Idie, saral pa tumà?
 Legrèza de mi età,
 aiut dla puvertà.
 L blòt y bon mi fi,
 o can puderal pa unì?
 Ne dausse nia me lamenté
 sce l ne ëssa plu da ruvé.
 Idie segur saverà
 ciuldì che l n'ie mo nia ruvà.
 Ooo

Idie segur saverà
ciuldì che l n'ie mo nia ruvà.